



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

Anr.898/2021

Paneli Zgjedhor për Ankesa dhe Parashtresa (PZAP), i përbërë nga gjyqtaret: Zyhdi Haziri kryesues, Adnan Konushevci dhe Rustem Thaqit anëtar, duke vendosur përkitazi me apelin e kandidatit për anëtarë të Kuvendit Komunal në Komunën e Vushtrrisë, Qëndrim Zejnullahu nga Subjekti Politik Lidhja Demokratike e Kosovës (LDK), dega në Komunën e Vushtrrisë, paraqitur kundër vendimit me numër 2948-2021 të datës 03.11.2021 të Komisionit Qendror të Zgjedhjeve (KQZ), për Shpalljen e Rezultateve Përfundimtare për Zgjedhjet Lokale 2021 për Kuvendin Komunal, në seancën e panelit të mbajtur më datë 06.11.2021, mori këtë:

## V E N D I M

**I. Pranohet** pjesërisht i bazuar apeli: Anr.898/2021 i datës 04.11.2021, i paraqitur nga kandidati për anëtarë të Kuvendit Komunal në Komunën e Vushtrrisë, Qëndrim Zejnullahu, nga Subjekti Politik Lidhja Demokratike e Kosovës (LDK), dega në Vushtrri, kundër vendimit Nr.2948/2021 të datës 03.11.2021, të Komisionit Qendror të Zgjedhjeve (KQZ), për Shpalljen e Rezultateve përfundimtare për Zgjedhjet Lokale 2021, për Kuvendin Komunal.

**II. Urdhërohet** Komisioni Qendror i Zgjedhjeve (KQZ), që të rinumëroj të gjitha fletëvotimet për kandidatët për Kuvend Komunal në Vushtrri, në këtë Vendvotim: 2717B/01R

**III. Rezultati** i cili del pas rinumërimit të fletëvotimeve në vendvotimet e cituara si në pikën -II- të dispozitivit të këtij vendimi, të përfshihet në rezultatin përfundimtar.

**IV. Refuzohet** e pabazuar pjesa tjetër e apelit lidhur me kërkesën për rinumërimin e fletëvotimeve të votave të personave me nevoja të veçanta.

## A r s y e t i m

PZAP-i, ka pranuar apelin me datën 04.11.2021 nga anëtari për Kuvend Komunal në Komunën e Vushtrrisë, Qëndrim Fejzullahu nga Subjekti Politik Lidhja Demokratike e Kosovës (LDK), dega në Komunën e Ferizajit me nr. të listës 38, me të cilën pretendon se në vendvotimin 2717B/01R në Formularin e Përputhjes së të dhënave (FPR), janë 156 vota, ndërsa në Formularin për Rezultatin e Kandidatëve (FRK) janë 157 vota që do të thotë se ka mospërputhje në rezultat me të cilën pretendon se FRK nuk është i nënshkruar nga të gjithë komisionerët si dhe Subjektit Politik Nisma i figurojnë 2 vota dhe në fakt ka vetëm 1 votë. Në këtë VV kandidati në fjalë pretendon se është i dëmtuar sepse ka një votë më pak se kandidati me nr.34. Më tutje kandidati në fjalë në apel pretendon se në rezultatin përfundimtar i mungon

vota e personave me nevoja të veçanta (VPNV) sepse nuk i ka dalur vota e votuesit në Qendrën Korrektuese Smrekovicë nga ekipa mobile për votim.

Apeluesi Qëndrim Fejzullahu ka bashkangjitur në apel Formularin e Përputhjes së Rezultateve (FPR) dhe Formularin e Rezultateve për Kandidat (FRK) për VV 2717B/01R. Andaj përmes apelit ka kërkuar që të bëhet rinumërimi në Vendvotimin nr. 2717B/01R

Paneli Zgjedhor për Ankesa dhe Parashtresa, pas shqyrtimit të pretendimeve të apelit, materialit zgjedhor dhe provave që gjinden në shkresat e lëndëve, gjeti se:

**- apeli është pjesërisht i bazuar.**

Paneli vlerësoi se pretendimi ankimore është pjesërisht i bazuar, pasi që, pas shqyrtimit të provave dhe shkresave të lëndës, si dhe nga hetimi i bërë në materialet zgjedhore, ka konstatuar se ka mospërputhje të rezultateve të shpallura nga KQZ-ja, me provat e ofruara nga pala ankuese.

Vet fakti se me verifikim të pretendimeve të ankuesit, në provat e bashkangjitura ankesës, del se në VV e përmendur në pikën II të dispozitivit ka mospërputhje në mes të votave të kandidatëve të një subjekti politik dhe të vet subjektit politik (numri i votave duhet të jetë i barabartë, i kandidatëve dhe i vet subjektit politik), do të thotë se janë bërë numërime të gabuara dhe evidentim i gabuar i këtyre votave në FRK, ashtu siç pretendohet në apelin e lartpërmendur, gjë që tregon se rezultati përfundimtar i shpallur nga KQZ-ja, vërtetë del i pasaktë i cili rezultat i pa saktë me bazë dhe argumente e prova të cilat gjenden në shkresa të lëndës, edhe sipas vlerësimit të PZAP-së, është bazë e mjaftueshme për rinumërim ashtu siç është vendosur me këtë vendim. PZAP gjen se, përveç tjerave, me rinumërim, askujt nuk i cenohet rezultati real dhe i vërtetë, përkundrazi për secilin kandidat për kuvend komunal del rezultat zgjedhor më i sigurt dhe i pranueshëm nga të gjithë.

Andaj mbi këtë bazë dhe në mbështetje të nenit 117.4 të LZP-së, PZAP-i urdhëron KQZ-në, që të bëhet rinumërimi i të gjitha fletëvotimeve për kandidatët për Kuvend Komunal në Vushtrri në vendvotimin e lartcekur dhe rezultati i dalur nga ky rinumërim të përfshihet në rezultatin përfundimtar të Zgjedhjeve Lokale 2021.

Paneli, vlerëson se ky rinumërim e bënë procesin e numërimit të fletëvotimeve dhe shpalljen e rezultateve, të saktë në kuptim të nenit 101 paragrafi 1 i LZP-së, me të cilën dispozitë përcaktohet se: *“Procedurat e numërimit të fletëvotimeve qeverisen nga objektivat e mëposhtme: saktësia, transparencja, efikasiteti, mundësia për rinumërim dhe përsëritja e zgjedhjeve dhe mbrojtja e fshehtësisë së votës”*. Nga kjo rezulton se mos procedimi i fletëvotimeve sipas dispozitës së lartë cituar, përveç cenimit të saktësisë, transparencës dhe kredibilitetit, po ashtu cenon integritetin e procesit zgjedhor dhe se pa evitimin e kësaj parregullsie, përmes rinumërimit, ky integritet dhe kredibilitet do të vihet në pikëpyetje. Për çka mbi bazën e të lartë cekurave Paneli, ka vendosur si në pikën -I- dhe -II- të dispozitivit të këtij vendimi, andaj PZAP, nga këto arsye dhe në mbështetje të nenit 117.4 urdhëron që të bëhet rinumërimi i fletëvotimeve për vendvotimin e lartcekur.

Ndërsa sa i përket pikës 3 të dispozitivit të vendimit, sipas se cilës është refuzuar pjesërisht apeli për rinumërim të Votave të Personave me Nevoja të Veçanta (VPNV) të përshkruara si në dispozitiv, sepse pala anekese nuk e ka shënuar numrin e kutisë së votimit të ekipës mobile dhe paneli nuk mund të konstatoj se në këtë kuti ka pasur mungesë të votave për kandidatin në fjalë.

Prandaj me qëllim të evitimit të këtyre lëshimeve të lartë cekura dhe bazuar në nenet 115.1, dhe nenin 119.5 të LZP-së, ku parashihet se, *PZAP-i mundet që sipas vendimit të tij të shqyrtoj çështje të cilat përndryshe janë nën juridiksionin e tij kur kjo është rreptësisht e domosdoshme për të parandaluar padrejtësi serioze*, po ashtu lidhur me nenin 118 paragrafi 1 të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashpresa**

A nr. 898/2021 më datën 06.11.2021



**Kryesuesi i Panelit**  
Zyrtar  
Zynderi Haziri

***Këshillë Juridike:*** Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve, nga momenti i marrjes-pranimit të këtij vendimi.